

Axuda/Subvención: Axudas á internacionalización das empresas galegas.

Organismo: Instituto Galego de Promoción Económica

Proxectos obxecto de axuda: Os proxectos obxecto de apoio serán aqueles que promocionen e faciliten o acceso das empresas galegas ao exterior e incentiven a súa internacionalización. O Igape poderá conceder subvencións a fondo perdido sobre os gastos subvencionables realizados polas empresas ou organismos intermedios que teñan a sede efectiva da súa actividade ou algún centro de traballo na Comunidade Autónoma de Galicia na execución de actuacións dirixidas á promoción internacional de produtos elaborados, comercializados e/ou servizos prestados, sempre e cando se cumpran os requisitos establecidos nestas bases para cada unha das liñas de axuda. O prazo de execución dos proxectos subvencionables iniciárase o 1 de xaneiro de 2010 e rematará na data establecida na resolución de concesión de axuda dentro dos límites máximos establecidos polos anexos reguladores de cada liña de axuda

Liñas de axuda:

1. Liña seminarios internacionalización (procedemento IG156). *Beneficiarios:* Asociacións empresariais, consellos reguladores de denominacións de orixe e clústers (con personalidade xurídica propia, sen ánimo de lucro e domiciliados en Galicia), de carácter eminentemente empresarial que representen a un colectivo de empresas galegas.
2. Liña planificación exterior (procedemento IG151). *Beneficiarios:* Empresas con algún centro de actividade en Galicia, consorcios de exportación con personalidade xurídica propia domiciliados en Galicia, asociacións empresariais, consellos reguladores de denominacións de orixe e clústers (con personalidade xurídica propia, sen ánimo de lucro e domiciliados en Galicia), de carácter eminentemente empresarial que representen un colectivo de empresas galegas, agrupacións de polo menos catro persoas físicas ou xurídicas -non vinculadas previamente entre si, con domicilio ou algún centro de actividade radicado en Galicia-, que acaden un acordo formal e estable de cooperación no ámbito da internacionalización.
3. Liña participación en eventos expositivos internacionais celebrados en Galicia (procedemento IG171). *Beneficiarios:* As empresas que produzan en Galicia bens ou servizos e que teñan domicilio social ou algún centro de actividade radicado en Galicia, consorcios de exportación con personalidade xurídica propia domiciliados en Galicia, asociacións empresariais, consellos reguladores de denominación de orixe e clústers (con personalidade xurídica propia, sen ánimo de lucro e domiciliados en Galicia), de carácter eminentemente empresarial que representen un colectivo de empresas galegas, -é dicir, empresas que teñan domicilio social ou algún centro de actividade radicado na Comunidade Autónoma de Galicia.
4. Liña participación en eventos expositivos e promocionais internacionais celebrados fóra de Galicia (procedemento IG110). *Beneficiarios:* empresas que teñan domicilio social ou algún centro de actividade radicado en Galicia con entidade suficiente, consorcios de exportación con personalidade xurídica propia domiciliados en Galicia, asociacións empresariais, consellos reguladores de denominación de orixe e clústers (con personalidade xurídica propia, sen ánimo de lucro e domiciliados en Galicia), de carácter eminentemente empresarial que representen un colectivo de empresas galegas, agrupacións de polo menos catro persoas físicas ou xurídicas -non vinculadas previamente entre si, con domicilio ou algún centro de actividade radicado en Galicia-, que acaden un acordo formal e estable de cooperación no ámbito da internacionalización.
5. Liña misións comerciais directas (procedemento IG123). *Beneficiarios:* asociacións empresariais, consellos reguladores de denominacións de orixe e clústers (con personalidade xurídica propia, sen ánimo de lucro e domiciliados en Galicia), de carácter eminentemente empresarial que representen un colectivo de empresas galegas.
6. Liña misións comerciais inversas (procedemento IG124). *Beneficiarios:* asociacións empresariais, consellos reguladores de denominacións de orixe e clústers (con personalidade xurídica propia, sen ánimo de lucro e domiciliados en Galicia), de carácter eminentemente empresarial que representen un colectivo de empresas galegas.
7. Liña misións tecnolóxicas directas e inversas (procedemento IG154). *Beneficiarios:* asociacións empresariais, consellos reguladores de denominacións de orixe e clústers (con personalidade xurídica propia, sen ánimo de lucro e domiciliados en Galicia), de carácter eminentemente empresarial que representen un colectivo de empresas galegas, agrupacións empresariais innovadoras (AEI), segundo a Orde ITC/2691/2006, do 2 de agosto, do Ministerio de Industria, Turismo e Comercio,
8. Liña márketing, comunicación, imaxe e marca (procedemento IG172). *Beneficiarios:* empresas que teñan radicado algún centro de actividade na Comunidade Autónoma de Galicia, consorcios de exportación con personalidade xurídica propia domiciliados en Galicia, asociacións empresariais, consellos reguladores de denominacións de orixe e clústers (con personalidade xurídica propia, sen ánimo de lucro e domiciliados en Galicia), de carácter eminentemente empresarial que representen un colectivo de empresas galegas, agrupacións de polo menos catro persoas físicas ou xurídicas -non vinculadas previamente entre si, con domicilio ou algún centro de actividade radicado en Galicia.
9. Liña prospección internacional (procedemento IG173). *Beneficiarios:* As empresas que teñan radicado algún centro de actividade en Galicia, asociacións empresariais, consellos reguladores de denominacións de orixe e clústers (con personalidade xurídica propia, sen ánimo de lucro e domiciliados en Galicia), de carácter eminentemente empresarial que representen un colectivo de empresas galegas.

10. Liña primeira implantación promocional conxunta no exterior-Plan Primex (procedemento IG158).
Beneficiarios: Proxectos de primeira implantación conxunta no estranxeiro: agrupacións de polo menos tres empresas - non vinculadas previamente entre si e con domicilio ou algún centro de actividade radicado en Galicia-, que se comprometan a crear unha sociedade de promoción comercial dos seus produtos no país de destino, entendendo como tal unha sociedade con personalidade xurídica propia ou calquera tipo de agrupación empresarial admitida en dereito no país de destino. Os consorcios domiciliados en Galicia e con personalidade xurídica independente formados polo menos por tres empresas galegas -non vinculadas previamente entre si e con domicilio ou algún centro de actividade radicado en Galicia-, que se comprometan a crear unha filial no estranxeiro para a promoción comercial dos seus produtos no país de destino.
Proxectos de tipo II, centros de promoción no estranxeiro: asociacións empresariais, consellos reguladores e clústers (con personalidade xurídica propia, sen ánimo de lucro e domiciliados en Galicia), de carácter eminentemente empresarial que representen un colectivo de empresas -con domicilio social ou algún centro de actividade en Galicia-. Sempre que o obxectivo sexa a exposición e promoción comercial dos produtos das empresas asociadas; agrupacións de polo menos tres empresas -non vinculadas previamente entre si e con domicilio ou algún centro de actividade radicado en Galicia-, que se comprometan a establecer de forma conxunta un centro de promoción comercial no estranxeiro.

Prazo de presentación: do 13 de abril ao 30 de xuño de 2010 para as liñas sinaladas cos números 1, 2, 3, 4,5, 6, 7 e 8 , e o 10 de setembro de 2010 para as liñas sinaladas cos números 9 e 10.

Presentación de solicitudes: os interesados deberán cubrir previamente un cuestionario descritivo das circunstancias do solicitante e do proxecto para o que solicita a subvención a través da aplicación de axuda establecida no enderezo da internet <http://www.tramita.Igape.es>.

Co fin de prestar asistencia para cubrir o cuestionario, o Igape pon á disposición dos interesados o seu servizo de asistencia técnica, cun sistema de cita previa concertada a través do mencionado enderezo da internet ou dos números de teléfono 902 30 09 03 ou 981 54 11 47

O interesado presentará a instancia de solicitude co IDE e a documentación anexa no rexistro xeral dos servizos centrais do Igape, nas súas oficinas territoriais ou nos rexistros das delegacións territoriais da Xunta de Galicia, así como nos de calquera outro órgano da Administración xeral do Estado, das comunidades autónomas ou das entidades que integran a Administración local. No caso de envío por correo, na cabeceira da primeira folla do documento que se queira enviar farase constar, con claridade, o nome da oficina de correos e a data, o lugar, a hora e o minuto da súa admisión.

Publicación: DOG Nº 67, Luns, 12 de abril de 2010

Máis Información: [D.O.G.](#)

Máis Información (Anexos): O.T. do IGAPE na Coruña: Xunta de Galicia - Edif Adtivo. 2ª p. Praza de Luis Seoane s/n. 15008 A CORUÑA Telf.: 981 182 239 - Fax: 981 182 240